

مجموعه ابو الخیر

ماسوا شایسته شدن دلی تطهیر و پناش
بر تو حکمت و عرفان الهی دور آتش

علوم و معارف در بحث ایدر. و هر ماه عربی ابتدا سید اون بشده نشر اون نور مجوه عدد در.

عدد ۲۵ - جلد ۳ [فی غره محرم سنه ۱۳۰۰] [نسخه سی ۳ فروش

ایکجی کونیده بو طعام ویریلیر . موقوف ایسه یوم ثانیده اکل ایدرسده کئندده برنوع اشتها سزلق حس ایلر . اوچنجی دردنجی کونلری دخی ینه بو طعام اعطا ایدیلیر . سرخوشده ایسه اشتهایه بدل بر نفرت حاصل اولغنه باشلار . هله سکز کون مرورندن صکره سرخوش شرابدن اول رتبه تنفر ایدرکه غاردیان النده کاسه ایله اوطهیه کیرر کیرمز موقوف استغراغه باشلار . وطعامی کری کوتورمسنی فرط منته غاردیاندن رجا ایدر . ایرتسی کونیده کنیدیسی سربست بر اقیلیر .

ایشته شو قاعده سایه سئنده ایسوه یچ ممالکنده بو وجهله توقیف اولنوبده سکز کون صکره چیقانلرک یوزده طقسان طقوزی بلکه بیکده ۹۹۹ زی آندن صکره آغزینده برقطره شراب قویمز .

چینه طباعت

چین لسانک الفبایی ۸۰۰۰ حرف ویا دها طوغریسی اشارتدن عبارت اولدیغی جهته چینیلر متحرک حروف استعمال ایده میهرک طباعته الیوم محکوک لوحدر استعمال ایتکده درلر .

طبعی مطلوب اولان صحیفه اولاناقل مرکب ایله غایت اینجه و بو ایشه مخصوص بر کاغذک اوزرینه تحریر اولنور . بعده آرمود ویا اربک آغاجندن یا بنش بر او حده یا بشدیریلیر . و بر مدت قوریمق ایچون ترک ایدیلیر . آندن صکره کاغذ فوق الغایه اعتنا ایله قالدیریلهرق تحتیه انتقال ایتش اولان یازیلر ارکک و تحته نک یازیدن حالی یرلری دیشی اولوق اوزره حک ایدیلیر .

چینیلرجه طبع ما کنه لرینک استعمالی دخی مجهولدر . بوجهته بر قالبدن ایستنیلان کاغده نقل خطوط یعنی طبع صحیفه - مهر باصمه

قبیلندن - غایت کفایتله اجرا ایدیلیر . ایشه بوصورتله بر قالبدن اون بیک نسخیه قدر طبع اولنه بیلیر .

صنعت طباعت اوروپاده اون بشیمی عصرک بدایع مخترعانندن اولدیغی حالده چین ده درت بیک بش یوز سنه دن بری جاریدر .

هیچ بر اثر ایجادک بدایت احداثده مکمل اوله میسه جغی محتاج بحث وایضاح دکدر . حال بویله ایکن اوروپاده فن طبعک حین حدوثکی حالی چینده ایوم موجود اولان اصول طباعته بیک کره مرجع ایدی .

چینیلیر ذکا و فطانتلریله برابر موجود پسندلک خصوص سنده دخی هیچ بر قومه بکزه مزل . بوقوم هیچ بر شیده تجدد و حکم زمانه تطبیق افعاله مائل دکدر . بوکا سبب ایسه عدم اختلاط اولدیغنده شهه یوقدر . زیرا مجبول اولدقلری کبر و نخوت حائز اولدقلری وسائطک کال و نقصانی ادرا که مانعدر .

ملاحظات حکیه

اخلاقک بر قاعده سی کافه قواعد اخلاقک برینه قائم اوله بیلیر؛ یعنی آخرک کوروب ایشدیکنی ایستدیکک شیئی نه ایشله نه ده سویله !

اک زیاده شایان تحقیر اولانلر تحقیر اولتمقدن قورقما نلردر .

آز بیلوب چوق سونلک آز پاره سی اولوبده چوق صرف ایتک کبیدر .

کندی برنی تقدیر ایدوب اوطورر ایسه ک سنی اورادن هیچ کیسه قالدیره مز .